



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **R. P. Lvdovici De Ponte, Societatis Iesv, Meditationvm De Praecipvis Fidei Nostrae Mysteriis**

Vitae Ac Passionis D. N. Iesv Christi; B.V. Mariae, & aliquorum Sanctorum

Qvae Mysteria Complectitur Incarnationis & Infantiae Iesv Christi Domini  
Nostri, vsque ad eius Baptismum

**Puente, Luis de la**

**Coloniae, 1613**

Introductio de perfecta Christi Imitatione.

[urn:nbn:de:hbz:466:1-54647](https://nbn-resolving.org/urn:nbn:de:hbz:466:1-54647)

INTRODVCTIO  
DE PERFECTA  
CHRISTI IMITATIONE,  
QVI HARVM MEDI-  
tationum scopus  
est.



EDITATIONES, qua  
ad ILLVMINATIVAM,  
quam vocant, viam perti-  
nent, de quibus in secun-  
da hac Parte agere aggre-  
dimur: versantur circa vita

CHRISTI Domini Nostri mysteria,  
ab Incarnatione vsque ad Mortem eius in Cru-  
ce. Quae (vt Paragr. 4. Introductionis prima  
Partis dictum est) in tres partes distribuun-  
tur. Quaedam enim circa Christi ipsius Incarna-  
tionem, & Infantiam; alia circa Praedicationem,  
& Infantiam; alia deniq; circa Passionem & Mortem eius  
versantur: quam sequitur vita eius Glorifi-  
cata: quae quidem iam spectat ad VIAM  
VNITIVAM; quamuis ab ea non multum ab-  
sint etiam Passionis mysteria, in quibus, (vt suo  
loco videre licebit) Christus Dominus singu-  
larem sui amoris excellētiam demonstravit. Quae  
omnia mysteria ita distinxit diuina sapiētia, vt

II. Part. Medit.

A

grata

E  
ONTE  
F.

a Cant. 2. 4.

grata quadam varietate spirituale adferant  
nutrimentum animabus, ad perfectionem ten-  
dentibus: quas supremus hic a Rex in generosissi-  
morum vinorum cellam introducit; & ex eis-  
dem mysterijs, quasi ex vasis quibusdam celesti-  
bus, feruentissimi amoris, aliorumq; accensorum  
affectuum potum educit, ac propinat; quo illas  
exhilarat, sustentat, & inebriat; eo in ipso mo-  
do charitatem ordinans, quo actus ipse suos ex-  
ercuit. Ad quos inuitans, exhortatur dicens:

b Cant. 5. 1.

Veni in hortum meum, soror mea sponsa: mes-  
sui myrrham meam cum aromatibus meis: co-  
medi fauum cum melle meo; bibi vinum meum  
cum lacte meo: comedite amici, & bibite, &  
inebriamini charissimi. Quasi nobis diceret: per  
Incarnationem meam veni in hortum Ecclesia:  
statimq; ac ingressus sum mundum, messui myr-  
rham multarum amaritudinum & calamita-  
tum, quas ab infantia mea pertuli, cum aroma-  
tibus odoriferarum virtutum. Pradicavi Do-  
ctrinam meam, tanto reuera sensu, atque si mellis  
fauum e disseminarem. Amori mei vino adid sum inebriatus,  
ut nudatus in cruce expirauerim; per  
inde delectatus calicem Passionis haurire, atque  
qui vinum dulcedine lactis temperatum ebibat.  
Quapropter amici & dilecti mei, animarum ve-  
strarum hortum & vos preparate: teneor enim  
desiderio in eis tria his similia perficiendi.

Primum: metite myrrham & variarum aro-  
mata virtutum, qua passiones vestras coerceant,  
& vos a peccatorum corruptione praeseruent: in  
quo meam imitabimini puritatem. Mox fauum

meum

meum cum melle suo, hoc est, excellentē, quam tradidi, doctrinam, per ceram faui, expressam ruminantes comedite: Sed ea non sola seorsimq; comedenda erit; sed simul cum virtutum heroicarum, quas in se continet, quasq; melle illo dulciter nutriete significavi, imitatione coniuncta. Sic demum bibite, & inebriamini vino perfecti amoris mei; divinarum, quas vobis propinabo, consolationum lacte permixto. quo hausto, facile affectibus omnium rerum terrenarum renuntiabitis, vsque ad ipsam, si opus fuerit, in cruce nuditatem; quod me perfectius imitemini, ac diligatis, sicut a me dilecti estis.

HAE C itaque tria praecipua sunt charitatis bene ordinata in tribus quasi gradibus INCHOATAE, PROFICIENTIS, & PERFECTAE exercitamenta. eademq; eo ordine, quo sunt posita, fines sunt praecipui, ad quos Meditationes de INFANTIA, PRAEDICATIONE & PASSIONE CHRISTI diriguntur. De quibus tres, quae proximè sequuntur, Partes ex instituto tractabunt. Quarum haec secunda, quae est de INFANTIA, hoc alijs praestat, quod nos ad teneriorem incitet amorē suavioremq; imitationem. Sicut enim ipse, factus pro nobis infans, accommodatum & proprium infantium (vt Isaias ait) cibum sumpsit. c Lac & mel, ita eius Infantiae mysteria meditantibus, Tyronibus praecipue abundantius solet divinarum consolationum lac & mel communicare, quo facilius eos à terrenis ablaetet; excitetq; ad heroicam virtutum suarum imitationem.

E  
ONTE  
E.

AD hos fines consequendos, hisce Meditationibus conandum est ipsum IESVM Christum Dominum nostrum, Deum & hominem verum certam, propria, integra, & perfecta cognitione cognoscere; qua eò pertingat, vt ad infinitam personam illius dignitatem, inestimabiles diuitias, & gratia ipsius thesauros penetret, digno eorum precio & aestimatione facta.

Ioan. 17. 3. IN hac siquidem cognitione, ipsemet dixit, vitam æternam esse, quando ex ea tanquam ex femine, proueniunt media, quibus illa obtinetur; eiusq; afflatu, e in meditatione exardescit ignis CHARITATIS, qui nos inflamat: ex quo fortitudo cordis exoritur, ad eius vitam aeternam perfectè imitandam vt (Gregor. Nysseno teste) Christianus, alter Christus possit appellari, in humilitate, patientia, & reliquis virtutibus, eodem modo, quo valde sapientem quempiam, alterum Salomonem appellare solemus.

P. N. Ignatius 1. Exercit. 2. & 3. hebdomada. RATIO in horum mysteriorum Meditationibus versandi, quò voti compotes euadamus, erit oculos in quatuor circumstantias attentè perpendendas conijcere. PRIMA est, Personarum, quæ in mysterio sunt, excellentia, & interiores earum affectus. SECUNDA, earundem verba, finisque & modus ea proferendi. TERTIA, earundem opera, actiones, & virtutes in eis elucentes. QUARTA, ea quæ eadem patiuntur, cum alijs circumstantijs Finis, & occasionum, quæ adierunt. Ex his autem singulis fructus aliquis nobis ipsis erit legendus: vt nos ad imitationem eorum, quæ imitari licet, reli-

quosque

quosq; affectus & colloquia, quæ in initio 1. Partis dicta sunt, excitemus.

AT QVE hac omnia circa singula meditationum puncta sunt factitanda, seruata histeria serie, vt in ipso progressu licebit obseruare. Et quoniam personarum, quæ in multis mysteriis (huius præcipuè secunda partis) locum habent, valdè insignis est beatissima Virgo Domina nostra, conandum est in his meditationibus cognitionem eius, amorem, & heroicarū virtutum imitationem haurire. quod ab imitatione matris, gradum ad filij imitationem faciamus: siquidem potiori illa iure, quàm Apostolus, dicere posse videtur, f. Imitatores mei estote, sicut & ego Christi.

f. 1. Cor. II. I.

Quod verò melius ad desideratum finem, debitamq; eius estimationem nos disponamus, multum conferet, tanquam caterarum fundamentum, proxima Vocationis ad Christi imitationem meditatio: qua nobis eum ob oculos proponemus, instar excellentis cuiusdam Regis, à Deo electi, militem aduersus hostes suos conscribere volentis, subditosq; suos ad sese quendum inuitantis: Victoria ac spoliis cōsortium omnibus, quotquot ipsum ad pugnam fuerint comitati, pollicentis.

P. N. Ignatius initio  
2. hebdo.